

射

鷹

樓

詩

話

射鵰樓詩話卷七

侯官林昌彝惠常輯

唐人才調集題云古律襍歌詩案文選王仲宣劉公幹魏文帝陳思王稽叔夜傅休奕張茂先棗道彥左太冲張季鷹張景陽陶淵明王景立皆有襍詩李善云襍者不拘流例遇物即言故云襍也

白傅陲韞詩未能知壽夭何暇慮賢愚天字讀於兆切又酬李十一詩落絮無風凝不飛凝字讀牛餒切又琵琶行血色羅裙翻酒污汚字讀烏故切唐人辨四聲皆本於切韻白傅尤精密

公論在人白不可沒明嘉靖時卜者袁孟逸稱能詩長洲劉子威侍御名鳳著有澹思太霞詩集袁攻擊無遺劉愬之

有司乃責卜者人共笑劉之淺靜志居詩話云子威局守
于鱗唐無古詩一語歎爲知言其詩襍積纂組節節俱斷
人之讀者茫然如墮雲霧中吳趨土風清嘉不意出此鈍
漢所著澹思太霞二集類一時顯名者序之盛相揚詡而
吳市賣卜人素孟逸每向人挾撻其字句鈎棘文義紕繆
者以爲姍笑子威聞而大怒愬之有司有司旣撻之而數
之曰若敢復姍笑劉侍御詩文耶伏地對曰民甯更受笞
數十不能妄愬劉侍御也蓋草野之公論尙存勝於士大
夫曲徇多矣

杜詩七言拗律題下自注云戲效吳體案梁書吳均傳均文
體清拔有古風好事者或數之謂爲吳均體杜所稱吳體
蓋謂均也清拔言不拘聲病

高安朱芷汀孝廉 船文端公六世從孫也博雅好古常私淑
顧亭林藏書三萬餘卷顏其室曰古權室日寢饋其中著
有夏小正正義極爲精覈嘗問序於余又注其師袁穀廉
先生翼邃懷堂駢體文集其於明代遺事搜羅極博多補
橫雲山人史稿及張文和公明史所未及嘗題邃懷堂集
王義士柳枝詞後云才人末路腸偏熱倩女歡場酒最腥
博得金珠冠一頂佃夫座上醉初醒按才人者謂錢虞山
謙益也倩女者謂虞山妾柳如是也佃夫者謂阮大鍼也
大鍼據要津虞山末路失節以聲色自娛旣投阮大鍼而
以其妾柳氏出爲奉酒阮贈以珠冠一頂價值千金錢命
柳謝阮且移席近阮其醜狀令人欲嘔事見計六奇明季
北略又按王義士名灃字勝時陳卧子先生高足弟子卧

子死湮收葬之故稱義士見江南通志芷汀詩諷刺虞山
蒙叟直而不迂可稱詩史

武陵楊性農庶常

彝珍

工古文詞趙璘讀瑞芝室存藁悲

其遇而又高其志其於兄弟之際言之尤沈痛真令我泗
涕交橫也紫霞山館詩五言古多生撰清辣北歸一首神
似昌黎縣叁讀書之作五律名句如曉征云繁星沉水白
曉月傍煙昏孝感道中云孤烟浮市遠落照傍山明寄鄧
小臯云病因防過減詩爲養閒深性農性恬澹好讀書七
言此生云苦心妄事千秋業食力猶虛五畝耕可以知其
志矣

諸體詩以七律爲最難如開強弓勁弩周吏部

公職

謂古今

開到十分滿者無幾人所論極是余於國初得六人焉

顧亭林也吳梅邨也吳漢槎也朱竹垞也陳元孝也陳其年也於吾閩得五人馮許鈇堂也謝甸男也薩檀河也陳恭甫先生也林暢園也

粵東嶺南三家以後其詩之卓然大家者順德黎二樵簡也

欽州馮魚山鐵昌也嘉應宋芷灣湘也李秋田光昭也番

禺張南山維屏也嘉應溫伊初訓也二樵以幽峭勝魚山

以雄浩勝芷灣以豪邁勝秋田以雄奇勝南山以清麗勝

伊初以渾樸勝

近代江右詩家蔣藏園士銓吳蘭雪嵩梁而外則爲艾至堂

暢及陳少香先生借燦湯茗孫舍人備瑤藏園古體高於

近體蘭雪近體高於古體然蘭雪廬山五七古則如入桃

源境界獨闢至堂詩多超悟茗孫詩多俊逸陳少香先生

初學劍南次學東坡近刻焚餘集及春雨樓詩則老而益壯矣

道光庚戌孟夏今上登極已逾兩月府丞張君錫庚奏開鴻博科爲當事者所駁事遂中止國朝康熙乾隆兩次奏舉鴻博人材可稱極盛乾隆至今百餘年矣當張君奏請時士林喁喁仰望以爲事在必行而惜其寢閣也粵東溫伊初孝廉舊有求真士策欲兼用漢唐辟舉之法末引本朝兩次鴻博爲證語甚切當秋懷詩云不難破格求真士豈向庸工定鑒衡國家雲漢作人讀書嗜古有體有用之儒伏而不出者甚多當必有再襄盛舉者

是年御史戴君炯孫奏殿試策以條對剴切爲主宜刪去繁聯不宜拘定字數且勿專尙楷法奉旨允行余友楊性

農庶常有寄蕭史樓殿撰詩云時好日以頗科法因之弊
下品置晁董上第擢鍾衡繆種滋流傳波點競妍媚不知
筆吏徒奚贊庥明治云云此詩可謂切中時弊

蔚州魏環溪先生云只因八股文章擔閣了多少學問王安
石爲秀才之功臣聖門之罪人也楊性農庶常示蘇生詩
云制科創經義禍首荆舒公賢豪困桎梏倚壁如吟蛩得
失競蒙昧若弋飛天蟲閭闔高巍巍殊徑渾難通許身干
霸王破產求屠龍千金易絕技出手當推鋒少壯須致身
百歲如狂風富貴非汝期得不匡黃農丈夫有事業待子
明光宮此詩與環谿先生所論宛合

五言長排非才力雄大者不能作元微之最服膺少陵長篇
排律元遺山論詩譏之云排比鋪張特一途藩籬如此亦

區區少陵自有連城壁怎奈微之識砭砭余謂少陵長排
獨步古今盛唐以後幾成逸響前明薛君采亦喜爲之雅
鍊有餘而雄浩不足宋元明而後惟 本朝顧亭林朱竹
垞二家可以直接少陵他人不足多也

寶應王予中廣文

懋

白田草堂存稿窮經論史皆有卓識

生平服膺朱子考究研析源委瞭然其書實有關於身心
性命與當世之務表章人善微賤不遺其於學可謂潛心
用力俛然日有孜孜者矣予中以廣文受 世廟之知授
以史職旋以病卒其生平事業未及展布惜哉詩多質實
近體有佳句可採五言如清心懸凍月逸韻澹流風蹙浪
翻孤月崩崖舞急沙深谷漁樵侶空林猿鶴羣秋聲來樹
響月色上簾遲虛室絕塵想空庭無鳥聲流年逝水去同

輩曉星殘七言如萬里風煙雲似蓋滿天星斗月如鉤入
門曲折風無力當牖周遮月小明遶寺閒看四面水倚欄
細數一枰棋蒼蒼暮景千峰合渺渺長空一水浮開卷恰
於心有得閉門都與世相忘熠燿小星穿樹出空明積水
接天流斷岸荒煙留古樹夕陽流水認寒鴉波流碧瓦翻
無定光射銀河斷不流平田漠漠孤煙直荒草離離晚景
斜敢云天下無高士只想中州出偉人四望塵沙迷轍迹
幾番奔走誤平生寒花吹落迴無處羈鳥驚飛不定棲千
里關河逢驛使一朝風雨送歸人屋傍自樹籠雞柵窗下
閒鈔相鶴經自不見來多後輩再相逢處似前生空囊不
恨無錢使小戶偏能以酒名癡雲常在明河沒驟雨初來
野鵲歸雨夕老樹當門新翠合平臺一望晚烟鋪詩從大

歷多分派文到元和有別傳小山莫問曾成賦大雅于今
自不羣搏風直上高秋鶚擊水偏迴橫海鯨底定九州歸
禹貢整齊六典冠周官衡岳峰尖一柱立黃河水曲兩崖
開空山雨雪都無迹古木號風別有權平泉樹好無今古
綠野人空半在亡下士于今聞道晚名山何日著書傳閉
門未足安心竟著力方知克己難九折應憐從學誤三生
猶悔讀書遲韓門弟子窮張籍蜀國諸生老杜微縱觀一
世都云爾悵望千秋自古然數椽數畝承先業某水某山
憶舊遊老妻稚子爲詩料茅屋柴門是畫圖那堪春夜如
秋夜可得今年比去年卽事便爲安樂法相逢都是喜歡
時

嘉應李秋田茂才

光昭

著有鐵樹堂詩鈔雄奇清秀別築一

境詩筆逼肖黎二樵羅浮酥醪觀五古起筆云山雲積復
化大抵爲流水無懷葛天民宛在流水裏可稱奇關五律
客舍云客舍無林木秋聲在草蟲私情語遙夜不斷是西
風月地新霜白窗紗畫燭紅願將騷屑意一爲譜絲桐石
湖洞云維舟石湖洞竟日雨漫漫兩岸水松暝半山城影
寒牛浮扶牧渡鷺立儘漁看市冷疑無酒蓬窗謀夜閑梧
溪翁謂其詩如英德石兼皴透瘦無一處平直云

遂宵張船山詩天才縱放然多率意揮灑氣骨大減七律雖
具性情亦多不入格集中五言律佳者爲晚唐派餘無取
焉

世謂說經之士多不能詩以攷據之學與詞章相妨余謂不
然近代經學極盛而奄有經學詞章之長者 國初則顧

亭林炎武也朱竹垞彝尊也毛西河大可也繼之者朱竹

君筠也邵二雲晉涵也孫淵如星衍也洪稚存亮吉也阮

芸臺元也羅臺山有高也王白田懋茲也桂未谷馥也焦

里堂循也葉潤臣名澧也魏默深源也何子貞師紹基也

吾鄉則龔海峯景瀚也林暢園茂春也謝甸男震也陳恭

甫壽祺先生也諸君經術湛深其於詩或追踪漢魏或抗

衡唐宋誰謂說經之士必不以詩見乎

素簡參論詩云一代正宗才力薄望谿文集阮亭詩此詩一

出少年才俊多以爲然余謂簡參之論似是而實非者簡

參論詩及文於體已襍簡參爲文喜縱橫馳驟方文周規

折矩格近純正故簡參以爲薄其實好爲縱橫者亦不得

謂之厚厚者厚其氣非厚其詞也望谿文之不足者在氣

之不厚非在詞之不厚此論非簡參所能夢見也阮亭詩用力最深諸體多入漢魏唐宋金元人之室七絕情韻深婉在劉賓客李庶子之間其丰神之蘊藉神味之淵永不
得謂之薄所病者微多粧飾耳若謂阮亭詩不喜縱橫馳驟者謂之薄阮亭豈不能縱橫馳驟乎簡參之論阮亭有所不受

蔣索趙三家詩論者皆以蔣爲最索次之趙又次之余謂蔣詩五七古蒼蒼莽莽獨往獨來爲其擅場然豪放有餘雄厚不足其氣味尙嫌近薄耳袁詩早歲丰姿駘宕有晚唐人風格及召試鴻博以後猖狂恣肆詩格日卑其才子歌及贈其門人劉霞裳詩有礙風俗頗失詩旨無足取也趙詩品格淺俗如打油釘鉸此調斷不可學也

世皆以陶謝並稱謝豈陶比耶又以王孟並稱孟豈王比耶
人但知王阮亭之能詩而不知古文詞之純正有體高於時
流非汪鈍翁姜西溟毛西河輩所能及總爲詩名太盛故
文爲之掩耳

蘓文忠公自海外歸當徽宗建中靖國元年辛巳公年六十
六歲渡江至儀真艤舟東海亭下登金山妙高臺時公決
議歸毘陵復同米黻遊西山道暑南窓松竹下他日黻挽
松竹不堪過是也時方酷暑公葺房綿未歸久在海上
覺舟中熱不可堪夜輒露坐復飲冷過度中夜暴下至旦
憊甚食黃著粥覺稍適會米黻約明日爲筵餞瘴毒大作
暴下不止過曉夜扶持之自是胸膈作脹却食飲夜不能
寐午睡方起米黻冒熱到東園送麥門冬飲子十一日發

儀真十二日渡江過潤州時大江南北咸以司馬光望公所至聚觀如堵十五日舟赴毘陵公體氣稍復著小冠披半臂坐艙中運河兩岸千萬人圍隨而行公曰莫看殺軼否至奔牛埭十四日疾稍增十五日熱毒轉甚諸藥盡却以參苓瀹湯而氣寢上逆不安枕席公與錢濟明書云某一夜發熱不可言齒間出血如蚯蚓者無數殆曉乃止困憊之甚細察疾狀專是熱毒根源不淺當用清涼藥已令用人參茯苓麥門冬三味煮濃汁渴卽少啜之餘藥皆罷也莊生聞在宥天下未聞治天下也三物可謂在宥矣此而不愈則天也非吾過也二十一日覺有生意二十五日疾革手書與維琳別二十七日上燥下寒氣不能支二十八日將屬續聞觀已離邁問後事不答是日公薨按公平

日頗言醫理嘗與沈括集經驗方名曰蘇沈良方又嘗憂其親黨之疾委曲詳盡曰勿使常醫弄疾此公平日臨疾之謹慎也乃公此時病暑飲冷暴下誤服黃耆粥致暑邪內鬱按公常暴下之時細察病症乃陽氣爲陰所抑譬之炎夏之日掘卑濕之地數尺以湯一壺埋其下以土掩之次日湯凝爲冰此陽氣爲陰所包陽伏於陰之驗卽公受病之義也宜以大順散主之而公乃服黃耆粥致邪氣內鬱豈不誤哉大順散者內桂也北薑也杏仁也甘草也北亦以白沙炒黃色爲度其研細末以否則或清暑益氣湯或以白沙炒黃色爲度其研細末否則或清暑益氣湯或五苓散或清香飲皮也附子也北薑也及二陳湯合用或治中湯皆可選擇用之至旣服黃耆粥邪已內陷胸膈作脹以爲瘴毒大作誤之甚矣瘴毒亦非黃耆粥所可解後

乃牙齦出血係前失調達之劑暑邪內干胃腑法宜甘露
飲犀角地黃湯主之乃又服麥門冬飲子及人參茯苓麥
冬三味藥不對病以致傷生竊爲坡公惜之亡友葉蘭墅
誦年詩云須學淳于活世術莫嘗徐毅殺殺人方卽此旨也
大興朱笥河先生筠詩古鬱盤輿詰屈聱牙使人讀之難於
索解不如其古文詞真氣渾厚神似龍門也余嘗選本
朝十二家文鈔笥河與焉十二家者顧亭林炎武也朱竹
垞彝尊也全射山祖望也龔海峯景瀚也段茂堂玉裁也
汪容甫中也阮芸臺元也陳恭甫先生壽祺也龔定菴自
珍也李申耆兆洛也溫伊初訓也及笥河而十二也國
初侯魏汪姜及方望溪姚姬傳暨吾鄉朱梅巖皆不與焉
以諸家文有襲取氣也

會稽布衣潘少白先生諸詩閒淡超曠絕去世俗筆墨畦徑
如素娥鼓瑟遊魚爲之出聽諸體詩惟七言古稍遜耳先
生少卓犖讀古人書不以舉子業好獨遊天下奇山水足
跡踰數萬里入峽舟敗身僅免守令使人饋遺不受也少
穎悟下筆輒千言簡齋袁大令思羅致不可則約諸子游
詠人給數紙欲困之得題紙輒盡衆方含毫皆廢大令乃
驚起不敢言先生自是亦常與俗流自遠讀書姑射山中
大吏欲識其面不能致則以計遇之留數日去與長民者
言言愛人與里老言言耕鑿樹畜與士人言言孝弟忠信
尤兢兢於義利之辨欲使天下之人咸務本節用治禮義
以稱國家教養之意無負天地所以生斯人之心此其志
之所存也著有少白文集八卷詩集四卷詞一卷少白常

語二卷先生遺懷詩云清明桃李花風吹筵前住少年金
白髮天涯看春去迴心浮春雲芳草催遠步樓臺立中天
車馬盈廣路人生亦已勞春風更不喻百情漫長日悠揚
入飛絮歲事春復秋人事朝還暮誰能一日中靜似無風
樹春夜云雲生春欲雨入夜月轉明娟然一尊酒海色浮
天青百年當花時世界如壺瀛樂心一脈香萬物無與爭
花晴夜更永風暖素影橫婆娑上春衣醉羨羣花生芳菲
塞天地千載多令名誰挽北斗杓不復西南傾當春得美
酒好夢兩腋輕胡蝶長悠揚何用紅青冥觀穫云暮林村
墟合稻穫寒色遠竭作日易入分儔各在阪微月霜跡聚
蒼烟人聲泚巷頭燈火出知是勞人返勞人日有役歲暮
笑語緩里門來秋風寒草香竟晚獨吟蒼茫句悠悠加餐

飯秋懷云采菊霜草中秋晨百草馥芬菲自令節何用擇
巖谷閒居多佳懷讀書飢亦足空庭日陰午午餐摘葵藿
蕭然天無雲高風動林木日靜山氣清聊以騁遐矚讀太
白鸚鵡洲詩云太虛影下鸚鵡賦昔人淚濕鸚鵡洲後人
花前呼鸚鵡愁滿楚江春水流詩成天上白玉闕酒醒人
間黃鶴樓匡山片月留不得雲安杜鵑囀白頭句如天涯
酤酒市花事餞春杯驚鷺窺影立荷芰戴萍生小村垂暮
雨江樹擁春舟風起天根白雲陰江氣黃年華隨鳥跡詩
句補牛毛殘春山郭路微雨酒家樓波濤魚復浦風雪雁
門關溪橋出秋樹山寺坐晴雲篠鳴猿落石月動獺窺魚
過橋松翠斷臨水寺檐斜花香入窗牖雲影過晴天風寒
猶到地春淺不妨花水雲閒到處魚鳥自親人月生揚子

渡天近海門帆葉聲疑小雨霜意入秋燈人家楊柳色晴
嶺鷓鴣聲渚烟沉釣艇溪雨掩柴門階閒風聚葉沼淺鳥
書沙吟隨春意漫步爲水聲留野暖生虛靄天青見遠樓
神祠衫笠聚綠樹桔槔間夜風兩岸集秋思一窗燈春隨
黃犢盡花傍白鷗生曠阜人烟迴蓬檐燈火薰村徑牽驢
入林花壓帽低雨氣每停鐘阜屐江聲初聽廣陵濤春泥
燕足濕羅幙小雨屐聲過畫橋大杯映樹綠無底小鳥入
花紅有聲人經江海鬢毛白書到關山草木秋牛背笛聲
浮澗去潭心雲影過橋來今古原無閒歲月東西各有遠
塗程潼關曉月悲笳動汾水秋風旅雁來黃花原是幽人
節白日閒於栗里身往事偶談能醒睡好詩自唱可醫聲
風月最關無事客乾坤豈有後彫樗采菊詩因無酒得愛

射鷹樓詩話

卷七

七

山心自讀書來暮煙一簇近亭路寒葉萬家秋雨聲三萬
觴醪隨荷插數千秋事入支頤晝長睡久還思客老去情
忘尙愛書風雨夜來猶妬展乾坤春盡好關門小池魚樂
水新漲橫宇鶴飛天自清車馬共填千載轍乾坤留得幾
人名山鐘乍動佛燈上初月向人江鳥飛遠柝因風知市
遠棹聲隔浦識漁歸魯連才亦縱橫術顏囑言如長短經
杯邊一曲前人調天外數峯何處山先生名篇絡繹佳句
琳瑯集中萬里遊五言長古一篇萬有餘言世以大才許
之吾無取焉

寧化伊墨卿太守

秉綬

留春草堂詩七古蒼健無枝葉可稱

名手其雷州寇司戶祠七律云海氣南州接大荒樓臺何
處廟蒼涼注孤要識心無負夜水長悲足有創空苑落花

疑淚蠟野人薦飯感蒸羊漢書未讀天書進坐惜奇才早
擅場尤爲絕作他名句如月華洞庭水蘭氣瀟湘烟籠山
烟淡漠穿竹月玲瓏皆清新可誦閩縣陳葦仁先生贈詩
云字法奇於碧落石詩情麗作赤城霞非溢語也

怪鴟鳴聲大是可厭余每聞其聲便用周禮磬族氏方書之
法製之果奇驗余嘗教人凡居家聞其聲者此爲不祥急
以此法治之周公大聖人通乎天地陰陽之理其作周官
載此法者亦有害盡除之義也秀水朱竹垞怪鴟行後半
篇云聞之周官建有庭氏翼氏磬族氏射以救日之弓救
月矢必覆其巢攻其翹先王有害務盡除豈若今人昧茲
理吾將斷竹續竹彈以丸毋俾惡鳥來林端月辰二六星
四七方書去汝夫何難按周禮庭氏掌射國中之天鳥若

不見其鳥獸則以救日之弓與救月之矢射之翼氏掌攻
猛鳥若族氏掌覆天鳥之巢方書十日之號十有二辰之
號十有二月之號十有二歲之號即爾雅所載者二十八星之號
懸其巢上則去之又按後漢書陳蕃傳大諸侯上象四七
垂耀在天注上象四七謂二十八宿竹垞詩所謂月辰四
七者即指二十八宿也方望溪解周禮謂若族氏爲周公
周官所有其方書以下云云乃王莽劉歆所加論殊紕謬
凡膾炙人口之詩高青邱有拜岳忠武王墓詩而閩縣薩檀
河先生過岳王墓詩勝之周櫟園有仙霞嶺詩而閩縣陳
恭甫先生過仙霞嶺詩勝之王阮亭有秋柳詩而侯官謝
甸男先生和阮亭秋柳韻勝之此前賢所以畏後生也
咏物詩妙在離貌取神真取弗奪閩縣薩檀河先生春燕詩

云草長鶯啼客路遙故鄉何處獨飄蕭江村細雨吟三楚
門巷斜陽話六朝桑樵人家迎社鼓杏花時節賣鰲簫天
涯牢落誰知已形影相依總寂寥此詩不卽不離可稱超
脫矣

咏鶴詩最難切題少陵通泉縣署屋壁後薛少保畫鶴詩實
能寫出雋逸之態可稱高手嶺南陳元孝咏鶴七言云朱
門香稻長如客明月滄江總爲君句亦清婉連平練笠人
廷瑞太守咏鶴詩云非君清不極於水淡相宜萬物日如
此逍遙道在茲江深飛更遠石好立移時舟次一相見秋
風何處思可謂淡遠有神太守博通史籍近補五代史宰
相方鎮二表尙未梓行於世

庚戌仲秋宮傅少穆先生持同里李蘭屏比部

彥彬

榕亭詩

鈔命昌彝訂存昌彝爲去其酬應之作十之一二錄存詩
若干首比部詩隸事遺詞紆徐詳盡緣情體物婉約清新
是能兼古人之長而自爲機杼者至其瞻懷明發繫念蒸
黎實本風雅之旨纏綿真摯足以感人其齊家堰曉發云
人家盡殘夢艤艤猶繫榜稍聞挽舟聲數舫始鳴槳人語
出深林幽鳥方引吭曉烟翠冥濛長河波滉瀟垂楊作寒
色平楚望莽蒼我時擁衾坐寸念息塵想支窗玩曉霽萬
象在俯仰寂寥門巷閉瀲灩露華朗天寒聞雁聲秋老見
蟲網坐觀時物變襟次恒悵勞生感征途何日息塵鞅
容顏惜遲暮壯慮激豪蕩許國堅丹心寸衷自孤往過南
旺云龍祠瓣香罷一棹微風行涼月照清汝新霜聞雁聲
渺渺岳雲翠星星燈火明津涂不可極客子若爲情步荔

水莊登西城遂遊小西湖云憑眺高樓上川原四望平殘
陽倚孤塔遠水帶秋城晴後千峯翠烟中一雁明落霞無
限好丹碧入詩情澄瀾高閣古舊近郡西園崇構知誰徙
危樓僅此存亭臺花外寺稻蟹水邊村吾憶趙忠定無因
酬一尊興廢千秋感荷亭換桂齋琴尊前代迹花竹此湖
西水榭看新築祠門話舊題芙蓉零落盡秋碧弄鳬驚惆
悵西湖社詩人近亦稀獨來玩烟水行復愛松扉笛語漁
簖晚衣香畫舫歸秋山多紫翠中有片雲飛湖塍連北郭
畎澮繞平臯隴畝黃千頃陂塘綠一篙何人憶樊紀無廟
薦巖高吾欲修房祀香蘋侑濁醪春時有感云身似楊朱
感路歧一官憔悴鬢成絲尙遲元亮歸田日又近龐公上
冢時先壟松楸空有夢芳辰風雨獨尋詩半生忠孝知何

補僕僕緇塵祇自悲石畫園感懷云漫向園林賞物華六
塘只可當浮家濕烟城郭凭欄出罨畫江山照眼斜滿鏡
新霜生白髮一簾秋雨對黃花歸來已愧荒三徑小築休
將水石誇遊鳥石山積翠寺云滿林黃葉踏殘陽攬勝還
來訪上方秋染峯巒成紫翠雲浮江海共青蒼行探梅信
春猶早卧聽松聲夢亦涼試證畫禪三昧理經窗怪石亞
迴廊張亨甫長至日過石畫園話別云對酒悲歌意更親
西園重展別筵新高臺雲物逢長至繞郭湖山送故人榕
樹移舟千嶂夕梅花催雪一樽春關河去後誰知己珍重
篇家著述身城西州樹俯郊垌離磴來登秀野亭百道川
原當檻出三山氣色向人青晉安風雅誰同調楚澤騷懷
是獨醒宛羽石倉盡寥落不如杯酒且忘形宿遷云又入

淮南第幾村秋陰濃處萬鴉翻青山渺渺連平楚紅樹離

離傍古原故國鍾吾寒水岸空城下相夕烟痕憤王舊里

梧桐巷蕭瑟難將古意論文獻通考宿遷縣春秋鍾吾子國漢書志臨淮郡下相縣應劭

曰相水出沛國故加下泗口交流漫石堤人烟半在落霞西鯉魚風

起孤帆去駱馬湖平遠樹齊細雨騎驢官道晚長空送雁

暮雲低五華一片殘秋色羈緒憑誰寫赫蹏水經注泗水

之泗口通典泗口在今臨淮縣那宿遷縣又駱馬湖在宿遷縣西北四十里陳瑤瑤入於河峒崕山在縣北七十里

上有石洞鑿爲螭口噴常州云秋柳臨風亦自垂蘭陵江

水不絕南爲五華山郭棹聲遲故城莫問淹君國良政誰增孟簡祠玉笛樓臺

歌白苧畫橋燈火見青旗清霜落木荆溪館一枕詩情過

雁時淹君城見越絕書古金山寺僧云廿年不到江天寺

曾記憑欄俯大荒吳楚川原歸指顧金焦樓閣接蒼茫且

嘗茗枕新泉味猶夢齋厨法豉香自愧帆風催赴闕何時
更訪贊公房丹陽云雲陽橋下水連空隱約疎林塔寺紅
殘照詩情驢背外新霜涼意雁聲中曲阿湖點千帆影陵
口人歸一笛風六代可憐如夢過長江廢壘夕烟籠游陶
然亭歸題黃樹齋江亭消夏圖後云七載追權我再經招
涼僧閣拓疏櫺勝遊日下歸吾輩風景宜南數此亭俯檻
人看高樹碧隔城天送遠山青二豪吟興真聯璧勸客頻
教倒玉瓶樹齋曾偕廉峯前輩兩度鵬余於此登臨倦眼俯平蕪一片秋光
不可摹積水雨餘喧雁鷺秋風霜後響菰蒲詩懷我自牽
塵事高致君能作畫圖韋曲昔遊無此韻樽前渺渺夢江
湖送則翼南歸云歸途莫便嘆蹉跎詞賦終收片玉科逆
旅風塵生意氣壯遊文字屬關河還家慈母占烏鵲繞舍

清風動芟荷歸卧林栖應亦樂年年吾已夢泉蘿窗風焦
石夜清幽陸癖經時共唱酬仕宦方知文酒樂中年長爲
別離愁一春杜曲孤花事四月漁陽過麥秋送子南行吾
亦羨蜀岡重午得清遊過翰林花園云亭臺依舊綠陰圍
十載重來事已非丞相沙堤悲故閣清卿門館感斜暉

主太傅汪文端公光祿程松亭先生昔居園中重過舊邸爲之泣然樂樂高樹新鶯轉冉冉

芳池落絮飛聚散存亡一彈指東風吹淚濕春衣都門九

日述懷云放眼河中不忍歸桑乾如帶繞神畿百川秋

蟄催糴竹萬戶寒深感授衣鴻雁方噉何日集菊花相對

此心違書生牢落知無用自惜登臨眺落暉偕蘭卿登石

塔云憑欄歷歷話仙蹤看盡東南八十峯落木陰中出蕭

寺暮雲天末墮疎鐘城闌晚色通千里樓閣輕烟隔幾重

歸遇山僧成一笑此游何日再相逢晚與蘭卿登九仙山
僧閣云莽莽川原霽色開登高凝眺暫徘徊寺門日落楓
林暗江樹風高雁影來禪榻斷香聞暮鼓摩崖古翠滿平
臺未能拋却僧樓去不奈嚴城畫角催西風蘭菊點秋光
舊夢吳舫又一霜千里歸來偏小別五年客裏幾重陽蘭卿
以去年九月歸來未幾而公車入都別半年而歸歸來二
月蘭卿又將以補官赴闕五年來英菊登高多在客中消
受異日煩遍揮染雲山佳日思呼酒風雨中宵感對床他
英之句能無慨然
日高岡勞悵望九仙山色鬱蒼蒼蘭卿將還闕下作此送
之云涼風九月墜清霜蕭瑟秋林樹葉黃指點海西西去
雁碧天寥落不成行曾攀新綠刺舡開忽憶江亭拂馬來
恨殺天涯千樹柳一年三度照離杯園林紅醉葉聲乾秋
蒂飄零夢易殘此後西軒簾角月夜深風雪紙窗寒浮雲

西北鳥南枝張角年年感別離重話團圞橙枯夢丹青誰
解寫相思游豐臺云淺色平蕪綠一鞭草橋新漲碧于烟
人家不斷生香界處處花花照水田籬邊路轉酒旗來檻
外青浮野色開一片禽聲花韻裏六街無此好亭臺在花
疎雨晝冥冥放眼川原酒夢醒倚樹沉吟詩裏畫微雲一
抹太行青栗侯亭館賸孤村韓氏南莊付斷垣萬柳微茫
松石盡無人携酒問廉園井水當年照綠珠百環髻勝十
眉圖春風幾樹娉婷酒傾國丰姿似曼殊嬌香狼籍惜花
枝老大旗亭感鬢絲終古詩家惆悵事豐臺風雨送春時
贈吳生彈琵琶云珠娘船上露華流苦竹叢邊暮簾秋多
少曹綱新弟子三更明月按伊州舊夢依依到酒邊曾聽
花底十三絃姑蘇此夜瀟瀟雨記別江城又一年舊譜楓

香細品題滑如泉瀉脆鶯啼紫羅衫子胡床上絕代風情
謝鎮西

寒林烟重暝棲鴉遠寺疎鐘送落霞無限嶺雲遮不住數聲
和月到山家此宋賊劉豫詩清光鑑人詩竟不可以定人
品耶元遺山云心畫心聲總失真文章甯復見爲人高情
千古閒居賦爭信安仁拜路塵山陽潘四農謂是說殊可
警世信然

李太白詩境超逸空濶作太白酒樓詩須肖其人並須肖其
詩方爲不負題事閬縣薩檀河先生初到溧陽登太白酒
樓云萬里風雲拂劍來江湖秋水雁聲哀登樓多病懷吾
土嗜酒佯狂惜霸才更有何人解澹蕩果然君輩不高萊
長庚入夜金天朗照我飄零一舉杯柳絮春風作雪顛樵

牛撾鼓此樓前愁緣白髮三千丈句壓黃花五百年吾意
愛尋巴子國君今豈在夜郎天只疑日逐金貂去不獨稽
山掉酒船李蘭屏比部重過濟甯太白樓詩云不見仙人
紫綺裘任城懽笑倚高樓夕烟碧處城陰滿殘照紅邊濟
水流宮錦偶然成過夢玉壺正好話清秋重來又是三年
別獨對孤樽破客愁數詩有吸露餐霞逸情雲上之概
萬里馳書問白鷺近來毛羽却如何尋常莫遣隨流去恐著
紅塵變態多此同里陳蘭清孝廉震亨絕句也命意甚高
語有寄託陳少逸孝廉爲予誦之

錢塘閨秀袁瑤華書簡叅先生孫女也著有簪筠閣詩稿其
詩風雅中時出妙語其于歸後三日對鏡詩云曉起窓前
整鬢鬢畫眉深淺試螺丸鏡中似我疑非我幾度低徊不

忍看浙中閨秀詩佳者不少求如此之超脫切題語妙天下者無之簪筠閣更有養蠶曲及夜讀示兩兒五七言長篇可觀婦德可維風化以篇長不具錄

射鴈樓詩話卷八

侯官林昌彝惠常輯

余已亥鄉榜庚子辛丑甲辰乙巳丁未庚戌六上公車未售
友人或爲余不平余誦楊性農庶常句云尙有舌本存無
害足脛別性農壬辰鄉榜八上公車庚戌方通籍詩乃其
前落第南歸作也昔人詩云隄邊楊柳籬邊菊春色秋香
各有時此語可爲解頤近讀陸渭南西郊尋梅詩云朱欄
玉砌渠有命斷橋流水君何欠二語勸人安命讀之爲之
氣平

杜少陵貧交行云翻手作雲覆手雨紛紛輕薄何須數君不
見管鮑貧時交此道今人棄如土前明平湖陸伯承錫恩
副郎過鮑叔牙故里云落景滿齊郊雲橫暮山紫緩轡問

射鷹樓詩話卷八

遺封云是鮑叔里三北識奇才一匡酬夙恥古人在信心
今人多貴耳士苟未遇時畢生行蓬累長風不我借羽翼
安得起所以管大夫沒齒感知已近代錢塘馮山公不平
詩云半世空論漆與膠樂新棄故任紛呶古人自昔悲陰
雨天下於今盡勢交伐木山中聞蟪蛄張羅門外結蠅蛸
不平鳴共秋蟲發未許昌黎解孟郊可惜清流溷濁涇芝
蘭香染鮑魚腥絕交有論傷朱穆割席何心效管甯白黑
易迷三里霧參辰難合兩隅星掉頭不顧從餘子獨對長
松眼倍青數詩可謂切中古今交道之弊今人動以換帖
稱兄弟或數十年之交及臨大難竟漠然不顧真可浩歎
粵東溫伊初云友之道有善相勸有過相規其上也有無
相通緩急相濟其次也相與以誠不爲苟言又次也而今

之友皆反是證據辨難此多聞之友也踐履錯繆如不聞是孔子所謂益友有多聞而可無直諒也此其可怪一也日談學問自謂濳膠臨小利害互相訾謷或擁厚貲不肯推分毫此其可怪者二也記曰口惠而實不至凡友有託可則應之否則辭之不爲虛言而今之友者今日應人明日而茫然此其可怪三也也吁友道之弊如此吾終浩嘆於茲矣

又選謝玄暉和徐都曹詩日華川上動風光草際浮五臣注風本無光草上有光色風吹動之如風之有光也李善注楚辭曰光風移蕙汎崇蘭王逸注曰光風謂日出而風草木有光色也是李善本作光風今本爲人所改俗以日華風光爲對不知古人之詩不如是板滯也上文結軫青郊

路迴瞰蒼江流迴瞰結軫何以不對

梨嶺俗名五顯嶺祠祀李建州按建州爲唐詩人名頻著有
梨嶽詩集舊傳 國初王師下閩神有護衛功今譌爲五
顯廟按池北偶談卷二十一李頻名列唐書文藝傳懿宗
時爲建州刺史卒見神梨嶽郡人祠祀之宋紹興中封靈
顯忠惠公後加靈佑善應王再加廣濟王又加福佑威濟
信順王明洪武初改建州刺史之神載在祀典閩縣謝甸
男孝廉震梨嶺謁李建州祠云重岡雲樹鬱蒼蒼刺史遺
阡鎮上方卷裏詩篇煤少婦殿頭箋奏乞君王江山幾見
遺民老腰膺猶勤異代將却憶豐碑三百六昭陵石馬幾
滄桑公本唐宗室故云 閩縣陳恭甫先生梨嶺謁李建州祠云翠
竹青巒上石稜建州遺廟此峻嶒流連故老祠朱邑慘淡

陰風戰李冰詞客才名誰繼踵鬼雄魂魄敢虛憑何當下
馬尋墟墓一殘寒泉酌野簾

菱白船卽江山船

總名曰江山船其實載貨者曰船戶凡九姓如孫何錢趙等九姓也

不齒編氓老婦曰同年嫂少婦曰同年妹

同年者桐嚴音之譌也九姓皆桐廬嚴州人故曰桐嚴世
傳陳友亮既敗其將九人逃之睦杭間其裔今爲九姓船
也常山至杭州山水明秀客載其船者江山絲竹畫舫笙
歌而魂銷江上往往墜其術中彼賣笑憑欄者實不知已
身之賤辱也向來作江山船曲多賦豔情及兒女癡態未
克維持風化余無取焉亡友建甯張亨甫孝廉三里灘詩
云卽常山積水僅浮舟畫船高過屋粉黛映江山風雨襍
絲竹朱欄小垂手二八顏如玉往往三五夜華月照眉綠

目成通一顧買笑千金逐雞鳴歌未闌曉日移銀燭東行

到錢塘或泊蘭谿曲可憐少年子銷魂在水宿借問此誰

氏九姓自嫫族匹夫爲厲階百世猶鴆毒自注陳友諒將九人逃睦杭間

九姓其裔也驕蚩小兒女未解淫賤辱凝粧揀珠翠衣被厭羅

縠朝權匿貴游夕狎任厮僕零落秋扇捐春心付骨肉造

物汝何意苦待斯人酷老死異編氓偷生寄洄洑請看茲

灘頭終古波斷續流脂變芳草斷腸不盈掬羈孤觸臨眺

慷慨憫衰俗沙邊雙鴛鴦哀鳴羨黃鵠此詩溫柔敦厚有

關風化可謂深得三百篇之旨

王見大蘇海識餘謂坡翁赴鳳翔與子由別於鄭州西門之

外馬上賦寄子由一詩自不飲何爲醉兀兀起至獨騎瘦

馬踏殘月止雖寓意高妙只是馬上兀殘夢一句景象耳

其下突云路人行歌居人樂忽然拓開不可思議又接云
童僕怪我苦悽惻意謂路人當歌居人當樂故童僕以爲
怪耳上句縱放甚遠下句自爲注解却將上句注入童僕
意中故能立地收轉也以下亦知人生四句皆承明所以
苦悽惻之意有非童僕所知而惟子由知之此意透則寄
詩之意不必更道故結二句反以誠勉子由於通透之中
卽又透過一層也

蘇海識餘謂坡翁風水洞詩過客詩難好居僧語不繁凡名
人至奇處輒以題咏難工爲慮而居僧以浮夸相炫皆刺
刺不休豈公以是爲苦耶上句人所能道下句人所不能
道其詩信無所不有矣

長沙李梅生太史杭有小芋香館詩鈔登道光二十四年進士翰林院編修

太史以終賈之年讀書東觀詞華騰懋冠絕一時集中樂
府託體最尊植義最正猶登山而仰岱宗涉水而窺溟渤
足以感蕩三靈暉麗萬有五七古才氣縱橫稍露圭角太
史留心經世之學散館後以大母年高就養閭里惜乎天
不與年今墓有宿草矣悲哉其長篇歌行洋洋灑灑不能
備錄近體如信陽道中和陳葦農舅祖元韻云歧路且爲
別驅車出信陽孤雲不知倦離夢與之長雪散千巖雨天
清萬壑霜相逢良未遠一棹下江湘遊焦園云地僻還藏
路林深別有天門虛疑石闕岡斷與雲連老屋圍疎竹清
波鏡晚煙怱怱厯奇境羈旅亦堪憐和友人武昌滄浪亭
云朝歌滄浪清暮歌滄浪深清以照客顏深以鑒素心和
友人金陵莫愁湖云莫愁何處住莫愁湖上頭年年湖水

綠流不盡春愁

發源董小檀太史

桂敷

詩筆蒼勁寄託遙深著有自知堂吟

草余從魏默深舍人處得其詩藁其寄感七十八篇詩外
有詩幾於上擬十九首其寒夜自友寓步月歸句云盡吞
寒碧入肺腑吹氣結作空中星恐李賀錦囊中無此警句
也太史留心政治思上有聽言之君下多保身之臣致民
隱不能上達作寒雀思云繞簷寒雀鳴啾啾鳴聲不平中
有讐飛從高枝語乾鵲鵲聞不聞樂自樂便欲穿雲訴鸞
凰寸腹氣可吞鵬張翮逢鳥鳶下雲際殷勤爲說天關事
鸞凰高居珠樹林秋月爲目春風心鳴磬下軫澤雁集響
切時聆霜鶚音當關虎豹曾無阻多少微禽入言苦非無
蒼鴈報白蛇亦有饑鵲爭腐鼠今爾銜冤冤幾何不過飲

豕危機多全軀慮患且爲福尙氣無乃傷天和木雁不鳴
免矰繳鸚鵡饒舌遭虞羅寒雀聞言惻飛去屋角讐聲化
烟霧長歌行云琴樽月泛千回圓書屋花圍數頃田入室
妻帑盡自得望衡鄰里皆歡然人生得此樂莫樂何用身
跨揚州鶴書生無福作宦遊萬杵一子從天著尖奴禿盡
無由神漆髮鍊得光如銀太倉盜祿飽一腹十口挂向天
邊雲南風吹來書一紙千峰劍鋸生眼底意中情狀不足
言望外憂虞還遞起山雲作雨非無心種樹亦欲看成陰
却將思慮同蠶繭無計縑絲與織紵含情坐對寥天暮無
數宮鴉栖苑樹斜陽西沒復東升令照愁心最深處
放生之說不必出於釋氏昔人謂釋氏好生吾儒豈獨好殺
乎此爲妙語吾儒不能仁覆天下放生者充類至義之盡

也余極喜放生隨時隨地及遇著便放不論囊中之充涇也每歲放生命數百萬大至耕牛小至魚鳥甚以此事爲最樂長樂陳元甫孝廉力駁放生之說乃煦煦爲仁者余曰古之人豈鳥獸魚鼈咸若者大舜之放生也下車泣罪者大禹之放生也網開三面者成湯之放生也王在靈沼於物魚躍者文王之放生也使校人畜魚於池者子產之放生也不網不弋宿者孔子之放生也見其生不忍見其死者孟子之放生也東坡先生放魚詩云濺濺發發須臾間圍圉洋洋尋丈外安知中無蛟龍種或恐尙有風雲會所見極大余友葉潤臣內翰舟中書感云絕流競網罟薄暮漁舟喧殺機萌口腹慘毒傷天仁沽魚不忍食恐爲亡者魂此詩極爲沈痛讀之有天地位焉萬物育焉之象殘

忍不仁之念可以消矣

侯官家星航大令

錫庚

官江右萍鄉

甲辰進士

有善政淡於宦情

以不善事上官將改校官余庚戌六月既望至南浦聞星航從江右歸寓視家別墅往訪之留連信宿各叙別懷星航出其近作詩稿見示其萍川話別詩有養痾無計恥尸餐去住關情乞退難松菊猶存惟栗里涓埃何補是枝官之句讀此詩可以知其志之所在其鄱江曉雪一詩極吹雲唾霧之妙詩云天寒湖煙夕不捲暝色橫空雲如繭誰家斷絮紛紛來畫簷凍沒苔紋淺城上晨光曉漏稀五更詩夢迴雲飛玉樹瓊樓出塵裏仙風飄飄吹我衣我衣徘徊拂風起俯視衆山崑嶠耳笑看空中玉女花散作白蓮墜煙水鄱江曉寒絕句亦超峭拔俗其詩云曉鳥一聲澹

湖亭

城內亭也

白雲飛落西山青半空欲雪還未雪夢抱梅花

冷不醒此詩酷似姚少監鄭都官

合肥徐易甫孝廉

子陵

詩筆縱橫排界不可一世著有易甫

詩稿余讀之沈聲壯色邈然寡儔庚戌夏與余同應禮部
試余出先母吳太孺人一燈課讀圖屬題易甫題跋一篇
讀之字字沈著永北黃肖農離尹見之嘆爲天地間有數
之文

燒燈過了客思家獨立衡門數暝鴉燕子未歸梅落盡小窗
明月屬梨花灘聲嘈嘈襍雨聲舍北舍南春水平拄杖穿
花出門去五湖風浪白鷗輕此僧圓復二絕句也洪容齋
隨筆錄之神味洲永最足耐人咀嚼

益陽湯海秋正郎

鵬

於甲辰七月卒於都下是年四月底余

病亟死而復生海秋嘗作詩以志喜海秋卒之前三日思
爲余作更生會延都下諸知交飲陶然亭寄詩云爲君斟
此更生酒留作人間命世才至次日海秋以病辭第三日
海秋竟長逝矣悲哉更有異者當余病時爲四月之底何
子貞師朱伯韓侍御魏默深司馬李梅生太史何子愚世
叔咸飲錢以爲醫藥之資海秋寄詩云債客門前如雁立
端陽過後便登仙自注云頃爲孔方所困過蒲節卽上青
天耳當盡朋友之誼昔人所謂詩讖余於海秋見之矣
杜詩遙憐小兒女未解憶長安又云卻看妻子愁何在漫卷
詩書喜欲狂此法唐人多有之如王昌齡送別魏二憶君
遙在瀟湘月愁聽清猿夢裏長不述已之離緒反念魏二
別懷與杜意正同

歎吳蘇泉

紹潔

論詩蠡說二十餘則其有可采者如謂詩不

必人人皆作此語極妙宇宙中好境新意千餘年來古人
搜抉殆盡乃欲別開一境恐不易言必也綜覽古今融貫
入化有感於中不得已而發於言或流連光景卽目會心
偶然寄諸篇什如此之作定見語近情遙言之短長與聲
之高下皆宜矣

潘四農云人以杏花城郭青旗雨燕子樓臺玉笛風翡翠飛
來春雨歇麝香眠處落花多萬點愁心飛絮影五更殘夢
賣花聲爲元詩之佳者而元詩信不足重矣不知霜氣隔
篷纔數尺斗杓插地已三更天連閣道晨留輦星散周廬
夜屬櫟松杉繞屋清宵響雷雨懸厓白晝陰亦元詩也可
以晚唐概之乎昌黎按元人詩佳者尙不止此四農所舉

似猶未盡如星從河漢淡中落秋在梧桐疎處多櫓聲搖
月歸巫峽燈影隨潮過漢陽風塵萬里與君別江海一舟
何處歸遠樹擁雲春雨外疎星映月晚涼初帆衝細雨空
江白鳥沒長淮遠樹青春草綠時猶作客雲山多處忽登
臺日落太行孤鳥沒天高燕闕五雲低溪樹積陰疑雨過
水花流影似雲移乾坤清氣隨詩卷關塞征塵上客衣鄉
書到手兼悲喜世事關心有是非荆吳雨漲河流白齊魯
春歸岱嶽青流水陂塘春事減落花門巷晚愁多何處砧
聲連野哭舊時月色照邊愁落日樵聲經木末青天鳥道
挂簷端秋草自隨人去遠夕陽長共雁飛來

光澤何景源比部

秋濤

號願船著有一燈書舍詩草願船學

問淹洽讀書過目成誦十三經疏及皇清經解皆能

記尤精輿地之學旁搜博采阜然成帙官部曹刑部例案
爛熟於胸同寮驚以爲神讀書之暇偶事吟咏詩亦風雅
無俗響山居襍興云扶筇青嶂頭設榻白雲裡有花自開
落無事著悲喜雨闌鳥聲悅風定溪水止隔舍聞鄰呼相
須啜清醅夜泊云夕暝櫓聲歇江橋舟自停魚罾藏釣艇
蟹火雜寒星夜月鴉猶噪秋風客獨醒遙看溪盡處天擁
海城青平水舟中云江險亦有盡撾鼓凌清漪有月棹仍
發無風帆自遲星河曙欲沒溪山秋更奇夢魂尙驚悸轉
憶過灘時

願船道光
甲辰進士

吳地志太伯築城於梅里平墟皇覽謂吳縣梅里聚去城十
里劉昭後漢郡國志注云無錫縣東皇山太伯舊宅井猶
存臣昭以爲卽宅爲置廟不如皇覽所說江南通志乃據

漢書吳縣本國吳太伯所邑以駁劉昭不知秦始皇二十六年置吳縣爲會稽郡治後漢志乃有無錫侯國是無錫先本吳縣地也安見必非太伯故城張守節正義采系木之說云太伯居梅里在無錫諸樊徙吳今蘇州也辨晰甚明奚庸聚訟乎東皇山亦曰鴻山太伯之所葬也侯官李蘭屏比部彥彬無錫舟中襍詩十六首之五云梅里傳聞太伯城鴻山况復有遺塋東皇宅井分明在方志何勞兩地爭此詩可證方志之譌

嶺南陳元孝七言律詩久膾炙人口其最著者蜀中懷古鄴中懷古隋宮懷古虎邱題壁新塘早春懷蔡良若何不偕及匡門謁三忠祠發舟寄湛用啗鐘裴天湛天石仲冬十三日贛兒受室率成一律示之九日登鎮海樓諸作氣格

音調迫入盛中明季詩家長於七律者顧亭林而外罕有
其匹蜀中懷古云子規啼罷客天涯蜀道如天古所嗟諸
葛威靈存八陣漢朝終始在三巴通牛峽路連雲棧如馬
瞿塘走浪花擬埒昔賢魚水地海棠開徧酒人家鄴中懷
古云山河百戰鼎終分歎息漳南日暮雲亂世好雄空復
爾一家詞賦最憐君銅臺未散吹笙伎石馬先傳出水文
七十二墳秋草徧更無人表漢將軍隋宮懷古云穀洛通
淮日夜流渚荷官樹不曾秋十年士女河邊骨一笑君王
鏡裏頭月下虹蜺生水殿天中絲管在迷樓繁華往邇邁
外風起楊花無那愁虎邱題壁云虎跡蒼茫霸業沈古時
山色尙陰陰半樓月影千家笛萬里天涯一夜砧南國干
戈征士淚西風刀剪美人心市中亦有吹篴客乞食吳門

秋又深新塘早春懷蔡良若何不偕云春雲漠漠虎頭東
幾日移居杏再紅三徑草生殘雨後數家門掩落花中鄉
山久別吟兼夢水驛多情浪與風有約扁舟未能去幽期
空負釣魚翁厓門謁三忠祠云山木蕭蕭風更吹兩厓波
浪至今悲一聲望帝啼荒殿十載愁人拜古祠海水有門
分上下江山無地限華厓停舟我亦艱難日畏向蒼苔讀
舊碑發舟寄湛川階鍾裴天湛天石云扶胥古渡水淒淒
雨後移舟望轉迷數日寄居秋草外一身爲客楚雲西家
無兄弟依良友地夾河山畏鼓鼙知己片言應不負亂離
妻女藉提攜仲冬十三日贛兒受室率成一律示之云燈
紅月皎兩相宜且放巾懷入酒卮萬種未完爲子事百年
過半作翁時山寒漸入青春色梅老偏高白雪枝莫道傳

家無素業先公曾有一經遺九日登鎮海樓云清尊須醉
曲欄前高閣臨流一浩然五嶺北來峰在地九州南盡水
浮天將開菊蕊黃如酒欲到松風響似泉白首重陽惟有
笑未堪懷古問山川

世皆以屈翁山詩五言勝於七言陳元孝詩七言勝於五言
以爲定論然道援堂七言律高處視獨流堂亦無多讓也
今錄數詩於此望雲州云四望雲州但夕陽漢家何處有
金湯三年馬首迷春草八月龍沙怨早霜夢逐黃河穿塞
盡愁隨鴻雁入關長平生壯志成蕭瑟空復悲歌弔戰場
岔道云軍都下視居庸險北口高懸大乙軍一自中官迎
白馬至今新鬼哭黃雲山連陰嶽當關合水抱榆河入塞
分城外風沙橫二路雲州西去恨無羣夏日云卻月城臨

夏口高維舟日夕苦風濤青天表裏惟秋水綠樹依微是
漢皋南國山名愁大別楚人天性愛離騷瀟湘戰後黃雲
滿鴻鵠無心下羽毛居庸云軍都關向兩山開不斷鳴馳
塞外來往日遼金頻失險只今龍虎柱登臺城從夏口穿
河去水落黃花繞塞迴幕府不須懸萬戶異時華夏自生
才采石題太白祠云牛渚西河月色新清光長見謫仙人
詩多諷諫因天寶道在佯狂得李真金鉉已銷飛燕口錦
袍空映鳳凰身垂輝不用多刪述天與英雄只老春和人
岳王墓云鄂王墳上哭南朝聲落錢塘作暮潮鷗草有膏
成碧玉蜀鏤無氣上丹霄松楸亦向黃龍指風雨難將白
馬招今日卻思和議好沙場不恨失嫖姚

按太白捉月事
堂集序公疾亟枕上授簡及李華
太白墓誌賦幽終歌而卒可攷也

人但知陳元孝獨漉堂七律風格之高而不知其五律亦多名句如歸舟云風燈無定照峽月不終明雨後懷翁山云流螢分夜色疎竹聚秋聲秋夕云秋水鷺鷥外江村禾黍間秋晚襍興云夜蟲爭客語螢火共星流又池花向影落河雁帶聲飛閒居云霜葉不親樹寒花多苦枝出門云白鷺飛閒世青天入曠懷彈琴云月搖寒島樹風落夜山泉寒樹云空巢懸宿葉新月下疎陰夜漏云年流今夜裏天定此聲中獄中襍記云天遙惟見雁地苦已飛霜秋園云遠心秋外炯孤燭夢邊長

象州鄭小谷比部

存

著有小谷訂草

乙未進士

今

詩筆嫻

雅幽艷如馬守真畫蘭秀氣靈襍紛披楮墨之外又如倩

女臨池疎花獨笑別宜甫弟云籬中藝荆樹籬外栽棠花

蕩以微和風其枝常交加荆樹日以茂棠花日以華上有
兩飛鳥對之生咨嗟山居遣興云青畦列我前丹厓枕我
後瀑布飛我左鑪烟生我右當中著草堂四旁敢甕牖竹
籬三徑排木柱一椽構久種樹如翁初開花如婦蜚聲水
無心答響山有口行吟畫在胸坐嘯筆拈手可以養天和
可以洗塵垢春日騁望其一云杏紅雨欲飛梨白雲如沐
荒城何蕭條雞聲出茅屋雨鳩怒勃谿一雀凍瑟縮幽人
坐徘徊生意滿寒谷閒庭無人行小草萋萋綠其二云餘
寒百蟲噤新暖一花落遙遙賣酒家初日明旗脚玉壺未
買春金谷難行樂寂寂春事間輕雷度高閣東臬聞叱牛
此聲亦不惡卽日云杳杳孤城寒莽莽遙青暮空堂坐讀
書落葉不知數庭院寂無人微聞老鶴步梅花嶺甲史閣

部云衣冠高塚半青蕪控扼全淮想要圖東閣鞅鞅牽大
老北門鎖鑰啟諸奴壇場半是桓元子波浪空悲陸秀夫
今日梅花山下過赤虹碧血尙模糊衡陽襟感云寒香頻
探異鄉梅小酌羌逢餞歲盃湘水綠時雙棹去嶽雲青送
數峰來山中鷓鴣愁遷客湖上蛟螭感霸才衆醉那堪吾
獨醒高歌欲上仰天臺比部絕句俊逸超曠可謂不著一
字儘得風流其題桃花扇傳奇二首傳誦遍都下詩云白
門秋雨散宮鴉青瑣春風憶館娃種盡溫柔鄉裏樹桃根
桃葉又桃花風流遺事盛江東歌舞樓臺滿故宮一事不
如陳後主瓊枝玉樹太匆匆

道州何子愚先生

經京

子貞師同胞弟也一門孝友兄弟間

有怡怡之樂可謂家庭快事先生志趣高尙已亥舉於鄉

久寓京師不與會試或詰之笑而不荅讀書過目成誦多才藝尤精音律及夫官七政之學書法具體米顛胸次曠達視世途窮通得喪不以累其心重氣誼嘗急人之急平定張石州卒於京邸爲之經紀其喪其平日非與至交也士論重之詩亦灑然拔俗無時下塵氛氣

光澤高雨農舍人以亨甫詩與其同里張怡亭紳並稱怡亭非亨甫比也山陽潘彥輔孝廉以亨甫詩與蘇州張淵甫履並稱淵甫亦非亨甫匹也

長安一片月萬戶擣衣聲此太白砧聲高唱也宋金元明以後作砧聲詩佳者寥寥建甯張亨甫砧聲七言律八首沈雄高壯音調淒清其於正面旁面高處低處寫得字字落紙有聲可稱絕唱其詩云驚飈一夕起秋空怨人清砧幾

處同萬里塞垣霜重候千家樓閣月明中淒涼欲絕傳寒
杵嘹唳初聞和朔鴻長別可憐心已斷吳綿半搗淚花紅
金堂涼入繡襦清料理輕袍寄遠征腕弱正憐防露怯音
高還覺與風爭轆轤軋軋停智井鼓角蕭蕭雜暮城回首
龍沙諸將在聞笳應慘故鄉情草木天涯已盡黃一時哀
響促衣涼秋風刀尺驚寒久戍火關河感夜長征士夢回
孤絕漠美人力盡咽繁霜琵琶莫憎潯陽妓何處尋聲不
異鄉亭障蒼蒼欲暝煙拭砧怨似理哀絃饑寒遲暮懷同
命歌舞光陰悔少年空外音愁天亦遠閨中心與石俱傳
玉階更聽聲如雨落葉寒蛩總颯然垂手翻辭十二闌怡
同玉兔搗霜寒一聲客怨無家別半夜風傳出塞難何許
刀頭還問訊有人竹肉尙爲歡冰天鐵甲琮琤意併在終

宵帛兩端萬馬回頭仰月嘶陰山蘆管北風吹那知竟夕
金閨恨盡作長城鐵笛悲宮角蕭騷爭變響干戈辛苦累
長眉玉壺銅箭沈沈斷宛轉驚心落杵時銀漢微瀾界玉
繩敲殘卷石聽誰憑清商處處秋無夢白露家家夜有燈
街鼓簷鈴遙不辨村舂戍柝隱如磨蕭條毳幕愁寒苦移
帳交河正打水謝家幽思杜陵愁羈旅聞聲盡倚樓磧裏
韓人歌怨月江南少婦手鳴秋蒼茫天地蟲相咎慘澹冰霜指
不柔今日昇平征戍少無衣莫切玉門憂

晉江黃濟川茂才

贈

余同年壽臣廉訪

分

冢嗣也年未

弱冠卽欲讀有用之書留心民生國計以天下爲己任嘗
輯古今可爲心身之益者曰彙影編又輯古今善事之可
濟人者曰三善合編嘗問序於余舞象之年而勤勤濟人

好善不倦誠當世所希有也詩不多作嘗有句云千間廣
厦歸懷抱萬里長紫夢思但望他日爲范文正公者勿
忘今日爲秀才詩語

上元梅伯言正郎

正郎

以古文詞名大江南北者數十年著

有栢枳詩文集

道光壬午進士

正郎爲桐城姚姬傳

兼

入室弟子

其爲文傳其師法文詞古雅余尤喜其詩堅緻古勁神鋒
內歛非時輩所能及特以文名太盛詩爲之掩耳其自都
中赴樂城省視家弟仲卿云後車燈在河前車燈度嶺輒
輒馬無聲默默人自警我今從親串僕從幸嚴整憶汝隻
身來寒威迫朝景亂水競所趨知有村居稠雖無魚蝦市
菱荷媚餘秋惜哉車塵多溝洫無良謀紛然作泥潦使我
登高邱薛家渡夜泊云一東一西雨後雲半黑半白雲中

星炯如秋燈隔疎櫺推篷四顧風泠泠老魚潑刺無人聽
夏日襍咏云畏暑真成癖林塘事事幽小書從我嬾長策
看人謀枕簟隨時具簪裾盡日抽翻愁煩暑歇菡萏欲經
秋公達輕先輩平原託後生人情隨老壯吾意豈衰榮陶
謝詩常把羲皇夢欲成更須樓拂子白鳥去營營

宋極喜漢陽葉潤臣詩以不事雕繪旨趣天成居然把臂陶

韋五七古詩已錄於前更有五七律及絕句可誦者如樟

樹鎮云

明王文成公誓師處

往日陽明叟英姿敵萬夫義旗下章貢

大勇出真儒雄鎮存枯木荒祠叫夜鳥聖言期致用未覺

象山孤萍實橋云

相傳楚昭王得萍實處

放櫂荒城下沿緣晚景幽

日斜看鳥度雨止聽谿流樹色分吳楚風痕散鷺鷥南征

不可復萍實更奚求灘行感興云五日萍鄉道羈懷未可

刪沿灘忘路險蓄水念民艱獨酌秋光晚登釐物態間勞
勞頻道路慙負舊柴關湘東驛云日夕湘東櫂征帆殊未
休江風吹地轉嶽雨極天浮萬族迎涼序孤蹤誤壯遊荒
村少醺醪古調憶三州晉三洲歌云湘東醺醪酒出淶口云縹渺楚峰
青乘風揚短舫漁歌聞幾曲夕色蔽前汀雲氣開衡嶽江
聲走洞庭憑舷發幽思鼓瑟問湘靈舟中對月云明月照
征篷寥寥萬象空秋涼微有霧江遠靜多風宿鷺依廻渚
歸鴉集晚楓天涯當此夕旅思幾人同喬口云鼓櫂入喬
口灣環衆水通暝連廻岸屋寒亞遠林楓湖氣沅江外人
煙暮雨中那堪洲渚望嘹唳徧哀鴻暮泊常德府城下懷
楊性農云未涉千灘險停舟朗水涯秋光滿山翠何處故
人家枉渚多冥雨風門仙帶落霞天涯歲云晏愁聽暮城

鴉雨中過桃源縣云邑小稀村市江聲盡日聞孤帆低密
雨隔嶺蔽寒雲米賤山田熟波明水鳥欣沅南城不見想
像伏波軍雨中過大敷谿云沅流北來注南望苦攀躋巖
雨連江暗蠻煙帶樹低魚梁鳴亂石鳥道接層梯征路忘
昏曉家雞祇亂啼界首塘云川路何時已行行入百蠻雲
荒搖壁暗雨急沂灘艱跋涉勞歸夢煙霜益苦顏天涯游
已倦但羨老漁閒雨泊印家橋下云瀟瀟江上雨未夕纜
孤舟去鳥紛寒色流雲攬客愁橋欹衰柳暮泉響萬岸秋
不寐勞根觸年華付倦游木洲云灘路乍陰霽蕭騷景自
幽清泉通絕壑叢木識孤洲耕稼當平世漁樵習釣游雞
鳴村舍靜萬綠不知秋舟夜聞雨夢姚梅伯云欲覺聞殘
雨傷心夜夢非波濤吾不死烽火汝誰依患難憐歧路悲

歌仗布衣風塵何日息相見有漁磯暮至便水驛云村市
多寥落谿流古驛亭雨燕山葉暗瘴下藥苗腥宿鳥依寒
石間雲媚遠汀流泉響何處琴筑奏泠泠鎮遠衛云九曲
名懸危磴孤城面巨濤獐猺安洞穴羽衛肅弓刀放牧青
蕪遠吹簌白日高滇黔此門戶諸將莫辭勞施秉縣云山
泉會儻水盤折入江流荒裔通亭障偏橋扼上游風煙臨
舊衛谿谷少行舟鼓角行人恐牂牁萬里秋悼昭云昭爲
李安人所生數日嫂卒余育以爲己女二年丁汝已兼
酉十月殤殤後二十餘日復來入夢詩以悼之汝已兼
旬死回思淚落頻纏綿來入夢嬉笑尙爲人瘵果膏肓結
醫難藥性真淒涼蕭寺路題碣杏殤新懷四農丈云寄書
何日達我夢在淮陰聽到征鴻唳方知獨夜心秋風響寒
杵霜月落幽林極望滄流遠思君孰淺深吾廬云吾廬正

秋霽野意上簷楹歸鳥雨中急斜陽峰外晴繞籬生暝色
多竹起寒聲欲續陶公句閒居願未成征馬云征馬臨關
塞黃沙動地來難尋蘇武廟何處李陵臺日落牛羊下風
高鴻雁哀前朝亭堠在迢遞白龍堆湘東驛云日夕湘江
棹征帆殊未休江風吹地轉嶽雨極天浮萬族迎涼序孤
踪誤壯游荒村少醺醪古調憶三洲雨夜寄內云征客輕
波浪蕭寥百慮空長江連日雨孤棹萬山中夜氣沈寒瀑
詩心感落楓遠游君莫笑筋力耐秋風上九磯灘云風勢
晚來厲吹人上九磯孤帆不可渡舟子慘相依亂壑蛟龍
鬪蠻天雨雪飛敢云仗忠信履險豈知幾吉祥寺弔甘忠
果云公諱文煥遼東人殉吳三桂之難嘗殺妾饗士事見貴州通志古寺瞻遺像孤忠弔
國殤張巡能饗士莊躋敢稱王血灑滇西暗魂依闕北長

英風吹不散鐘磬莽淒涼入長沙境云扁舟日日逐西風
倦客空嗟似轉蓬漢渚鄉心飛鳥外楚天秋色亂流中道
鄉臺冷寒雲暮賈傅居荒夕照空惆悵江山易陳迹不堪
搖落對青楓常德府云沅渚蒼茫入望疑江城八月客帆
遲青楓瑟瑟經秋老白雁聲聲向夜悲百代高名懷善卷
九谿風雨下羅施由來形勢誇黔楚鼓角徒興弔古思風
蓬巖云山色送行人不憂風力猛長江爲巨舟青天挂帆
影招屈亭云逐臣千古怨懷沙猶有孤亭沅水涯短笛數
聲蘆葦外秋風何處問漁家綠蘿江云沅水悠悠接綠蘿
西風日暮奈愁何洞天寂寞無人間獨倚蓬窓聽櫓歌綠蘿
山道書以爲第鎮遠雜詩云兩岸青山映畫樓長天寫出
四十二福地潯陽秋西風垂柳蕭蕭色不是蠻鄉客亦愁橙黃橘綠憶

鄉關江上霜飛客未還但採黃花對樽酒不知身在五谿

間詠長城月云白骨誰能問漢唐長城入夜恨茫茫如何

三五城頭月不待秋風已似霜望草地卽滿云戈壁蒼茫

鳥不還西行千里是天山人煙斷處沙如海唯見長空白

日間揚州柳云揚州何處無楊柳曾否隋家舊日栽江上

春殘飛絮盡鱗魚風裏暮潮來渡惡灘云瘴雨蠻煙去棹

涼孤灘如馬起中央不須更話瞿塘險兩岸猿聲已斷腸

舟夜聞角云寒霧連江客夢迷數聲臨水戍樓低秋風何

處吹哀角一夜秋霜下五溪沅江雜詩云青溪縣前千尺

深雞鳴關上雞初鳴君今欲下沅江去月黑灘長不可行

雞鳴山巖險岐下瞰青江句如天寒微有雨江靜不驚鷗

關在青溪縣城西五里人家綠畫堞帆影落危橋峯轉分晴翠秋深見晚霓灘流

隨碓轉山翠翼雲齊雞聞驛館雉堞抱山村游雲依片艇
秋色送孤杯潦涸秋花靜沙清宿鷺喧樹深時見犢谿靜
足垂綸浦樹含煙重灘流帶雨渾殘霧灘邊悲風角外樓
檣鐙明夜霧戍火傍山椒荒驛近初日秋林翳宿煙風簷
牽纜重灘迴櫂舟遲灘勢緣山折猿啼向夕幽戍荒兵插
穀烽靜月銜山邑僻稀聞犬灘荒不受魚潤臣近體詩置
之盛唐中幾無以辨矣

吳興俞夢池

照塘

箸有採芝集詩氣韻入古聞雁云中宵愁

不寐寒背燈影立孤雁一聲聲累我青衫濕強爲側耳聽
如訴又如泣霎聞已杳然瑟瑟秋風急移鐙起開門明月
先人入真樸有味逼真浣花古意云芝草發巖阿蘭蕙生
空谷靈瑞與幽香因材非不篤一朝入風塵天真日不足

譬彼榮澤金抱璞藍田玉琢礪費經營失身難自贖昂哉
名利心千古有顏歎有憶云浮生茫碌碌襍被走天涯貧
賤風塵福功名頃刻花有心常待月無夢偶拋家料得鄉
園雪寒梅正發芽慧心語皆眼前語未經人道者吊平和
烈女劉七姑云海上海上捲腥波三軍就枕戈深閨拚一死正
氣壯山河慷慨捐軀志從容授命歌三從知不朽大節繼
曹娥七姑平和諸生劉某女僑寓乍浦逆夷犯順七姑投水死集中名作如林皆有唐
人風韻不及多採爲憾夢池豪傑等倫有濟世志近見海
疆多事嘗繪樓觀滄海日門對浙江潮以寫志其自題詩
有昂頭天外之概讀者可以想其志矣

俞耘花茂才

無姓

夢池之同胞弟也幼穎異讀書過目成誦

九歲能默記五經幼時常於夢中喃喃背誦學庸章句不

錯一字稍長卽嗜史學爲古文寒暑不倦年十七受知於
羅蘿村學使補博士弟子員其文筆精嚴深入史奧爲學
使所激賞抒議似名臣奏疏乃屢困棘闈常下第後寄兄
閩中云熱心知己先難慰冷眼旁人退有言之句溫厚和
平不失風人之旨道光己酉浙中大水漫溢山林墳墓漂
流甚多耘花慨念先人廬墓半在水鄉鳩工紮筏冒雨往
來親督工插水攔護蒸受濕熱次年時疫大行耘花以
病疫卒時年三十耘花有才而篤行不永其年彼蒼之報
施其盡可憑耶歿後殘稿零落半爲知交攜去夢池於舊
篋中檢得耘花冬夜寄夢池詩云憶昔分襟去於今歲幾
更雲山時極目手足倍關情此夜坐孤館寒風吹短檠相
思不相見愁聽雪鴻鳴可謂風格沈雄性情婉摯

道光乙未秋余偕家石甫遊城西諸勝石甫途中誦其志恨
詩語多悲痛詩云我亦尋春去較遲愁心字字淚絲絲豈
無杜牧湖州約牘有陳思洛水悲窮到女兒天已刻夢爲
雲雨古猶癡昨宵獨對寒江雪彈斷鴟絃君不知

閩縣陳少逸孝廉

際昇

著有秋室詩存

戊子鄉榜

詩多擺脫凡響

爲盛中之遺湖口阻風云秋愁千疊壓江關舵主篙師對
客閒一夜風聲彭澤樹終朝雨意大孤山蒹蘆幾處嘗應
厭琴劍經年久未還聞道江神能送客南冒遙指碧雲間
西風云颯颯西風吹野塘蘆花楓葉染秋光二孤山小青
如黛八月江寒夜有霜客子衣裳荷芰薄吳孃曲調水雲
涼獨愁買棹東來者日日孤篷滯一方二詩置之近代宋
荔裳陳宜年集中幾無以辨矣

錢塘吳聖徵司成

錫麟

著有有正味齋集

乾隆四十年進士 浙中詩

派司成繼朱查杭厲之後雲蒸霞蔚藝苑蜚聲詩寫景多
超越句如十日故人酒萬端游子心蟲聲千葉雨月氣一
湖煙但覺無船無月載不知是水是風行樹自老蒼花自
韻竹能疎瘦筍能肥蘆三尺裏通蛙語桑萬葉中聞剪聲
名畫要如詩句讀古琴兼作水聲聽葉纔脫樹月流地秋
欲浸人河在天

仁和杭堇浦太史

大宗

著有道古堂集

雍正元年鄉榜乾隆元年 召試博學鴻

詞列一等第五
授翰林院編修

太史博聞強記口如懸河詩亦豪爽名句

如客久長疑夢愁多不當春歸程約飛鳥鄉信問來船沙
明鷗臚翅月曉虎留蹤玉澗萍開飛急雨石牀花動下幽
禽松濤怒挾將崩石海氣遙封未泄雲白雲山中白雲寺

僧與白雲互主賓有時山僧踏雲出白雲與僧作主人

江南興化任幼植侍御大椿

有芝田遺藁一卷

乾隆三十四年進士侍

御深於經學著有弁服釋例深衣釋例小學鉤沈呂忱字
林考逸吳越備史注又別繪九經三傳沿革例諸書詩宗
唐人不輕下筆其名句可採者如放船歸思減久客別人
難盡日吟情連雁鶩一秋風色在蒹葭

滿州託誠慤瞻園先生

庸

有瞻園詩鈔誠慤詩舒愉自得句

如鍾山餘夜燒鐵甕走江聲方寸一時得平生萬事非寒
山秣秣路不盡班馬蕭蕭君獨行

漢軍甘道淵巡檢

運源

著有嘯岬詩存番禺張南山云道淵

隱於下僚詩多警句其夔州襍詩有云永鎮蜀門戶全分
楚上游一語確是今之夔州蓋所謂三峽之險古屬於蜀

今屬於楚歸州巴東皆湖北宜昌府所屬也句如蠶叢千里國鳥道百盤山火畚燒白草鹽井上青煙破硯寒暄共殘書師友存皆宏亮可讀

道光辛丑喚逆窺廈門膠州柯易堂大令

培元

陷於圍者九

日作九日陌夷記其口號詩有吾無官守責何以死疆場吾爲名義重焉得辱大年之句讀者壯之其送劉莊年觀

察東歸云與君同罷官同栖燕子國

廈門爲古燕子國

君竟先我

歸我仍歸未得我家海之東君家海之北隔海百餘里將書高堂側驚喜遠道書問訛始歸客幾時有歸期倚門情悽惻少溪驛題壁云入室看題壁傷心我又生只今論往事畢竟是虛名輕死吾何敢全身志未明滄桑經大劫老淚灑縱橫舉世悠悠者書空咄咄哉捉將官裏去愧白賊

中來海國方多事風塵却愛才他時收駿骨何處築金臺

高要莫曜山廣文

元伯

著有柏香齋詩鈔

乾隆四十年鄉榜

廣文胸

無畦畛和易近人負笈其門者歲嘗百餘人廉俸所入營

甘旨以奉九旬老母餘悉以周貧乏人品已高詩亦質而

不滯澹而彌永

嶺南羣雅

詩有真慙之意其石灣月夜可以上

擬謝客詩云夜半水氣寒流光射篷背推篷一仰視月色

淨如漑天遠羣嶂出碧極雲不礙山明塔影瘦灘急水光

碎人家隔沙渚白到竹林內荒雞一聲來寒燈靜相對登

燕子磯云江天浩無極吳楚但一氣可謂寫景真切詠萍

云似供花鴨坐不礙畫船行亦精於詠物讀李義山集云

國事關心重有感此生多恨半無題亦語意該括句如山

明塢影瘦灘急水光碎石奇爭作筍松小亦成溝樹老易

秋色江空多夕陽寒塘聚白水平野散烏犍孤村四面水
疎雨一船秋老知讀書趣貧切教兒心相逢無襍語竟夕
只論詩兼程敢惜驚眠早一飯方知作客難詩成得意忘
爲客天與閒身豈必官皆瀟灑出塵毫無俗韻

吾儒身處衡茅不可無少陵廣廈白傅長裘之志晉江黃濟

川茂才

賄楫

詩所云濟世大快事莫計囊中錢是也余嘗

與同志立廣生榭每歲初冬買寒衣百領或數十領以分
寒者又配藥以救時疫苟可以活人其何憚而不爲耶

居官者如傀儡登場位顯則門庭蠅集勢衰則賓客煙銷白

樂天詩所謂親戚歡娛童僕飽始知官職爲他人是也劉

文成公

基

長安道詩云長安道送盡芳菲到枯槁人生盛

衰苦不嘗何異長安道旁草漢家將軍初拜官門前上客

車班班一朝勢衰煙焰歇車輪無聲馬蹄絕明年有詔封
冠軍依舊車馬來如雲讀之可勝浩嘆吳江顧帆川布衣
我錡箸有浣松軒詩集其莫去草行詩言之尤覺沈痛詩
云莫去草草無惡世俗紛紛情更薄君不見寶嬰門下客
如林一朝解散同葉落又不見翟公紅騎接朱輪俄然大
署傷離索乃知富貴皆炙手呼吸便覺春華灼乃知權位
一日非不減秋風破殘籜玳簪珠履客三斗覆雨翻雲如
隔膜莫去草草無惡世俗紛紛情更薄

昆山顧亭林先生昔僑寓京師城西偏卽今之慈仁寺也道
州何子貞師就舊址爲營顧祠俾同志知所仰止每值顧
先生誕辰余從道州師及諸同輩拜瞻祠下師嘗有詩記
之云亭林先生祠小子始營繕繫惟城西偏慈仁森佛殿

當時寺宇宏市集羣圖卷 國初諸老儒買書乘暇宴先

生結契廣僑寓置鑪扇至今雙松下彷彿見遺跡承平二

百載光陰若流箭古碣餘斷龜空樑墮饑燕我卜隙地寬

謂可靈爽奠諸公聞此議合作相呼忭畚鍤猥見屬木甕

自遶揀刪蕪出古樹明月夜來賈崇崇屋三楹爛爛秋一

片落成奉遺像覽揆潔盥薦肅然道義容警我塵土賤車

徐譜歲月張子重論謬江南大河北餘韻搜討徧張石州據車秋

餘徐星翁所撰亭林年譜合爲定本增益辨證甚博且精攜稿至山東江南搜得遺事詩文頗多師詩全

首真樸渾厚今採其大略以覘梗概云

錢塘袁簡齋杭州西湖詩蘇小墳鄰岳王墓英雄兒女各干

秋簡齋以蘇小與岳王並詠毋乃不倫況蘇小墓在嘉興

並不在西湖乎按嘉興鄒志蘇小墓在郡治東百步張文

潛集及宋百家詩載司馬樵事云墓在錢塘寰宇記云墓在嘉興寰宇記爲是今正在嘉興縣西南墳高三丈有井在側舊生雙桃於其上宋紹興初衣白以出入人多畏之因鎮以塔後宋路分行天心法以驅除之遂不見有片石在通判廳云蘇小墓豈非家在錢塘而墓在嘉興乎樵李詩繫唐徐凝嘉興寒食詩曰嘉興郭裏逢寒食落日家家拜掃回只有縣前蘇小墓無人送與紙錢灰又王禹偁詩縣前蘇小舊荒墳應作行雲入夢頻猶勝白公尉鰲厓庭花剛喚作天人秀水朱竹垞鴛鴦湖櫂歌云蘇小墓前秋草平蘇小墓上秋瓜生同心綰結不知處日暮野塘空水聲自注今縣南有賢倡巷據此是蘇小墓明在嘉興不在錢塘矣錢塘梁公紹壬秋雨盦隨筆謂竹垞欲奪錢塘蘇

小墓爲在嘉興語屬無謂而梁君徒爲一死坡爭朽骨其志亦昏矣

潘彥輔云明之七子前後遙相庚續王李命意原以李何自居然弇州宏富有餘精渾不足豈獻吉滄溟修整自喜風神那及信陽況獻吉之病已在摹擬太過祇下效之而又甚焉滄溟云滄溟弇州皆萬人敵惟蹊徑稍多古調寢失故不逮宏正作者是仍以弇州之不甚摹擬滄溟雖摹擬而不似李何之專篤爲病也誤人不亦甚歟彥輔又謂青田旅興感懷青邱擬古寓感諸五古氣格逼似唐人然皆非如李何等刻意摹畫之也王敬美謂季廸生宏正李何之間未知鹿死誰手似以青田爲不逮李何而季廸第可與李何匹也不知李何痕跡未融劉高天機自轉高之秀

偉劉之深重豈惟開國之巨擘實一代之宗工陳黃門謂
文成終傷腕弱季廸不中和鸞而推李爲籠罩羣俊各體
見長推何爲徽音芳詠瑤臺嬋娟於二子悉無貶詞其亦
疏於持論矣

桐城姚姬傳

集

先生自記其惜抱軒填詞後云詞學以淞中

爲盛余少時嘗傲焉一日嘉定王鳳喈語休甯戴東原曰
吾昔畏姬傳今不畏之矣東原曰何耶鳳喈曰彼好多能
見人一長輒思並之夫專力則精襍學則粗故不足畏也
東原以見告余悚其言多所捨棄詞其一也旣輟不爲舊
稿人多持去至無一闕此御甥今以此冊相觀其詞則丙
戌丁亥間多也今已四十年聊題歸之並記太常所見譏
者真後生龜鑑也延平曾雨蒼同年

世霖

詩云學問尙精

專研摩賁純一經學與詞章華實本異室許鄭徐庾儔各
具千秋筆專力則必精分途恐兩失此詩識解與東原同
鎮洋彭甘亭

字

湘

布衣

兆恭

箸有小謨觴館詩文集張南山

云昔人有沈博絕麗之語求諸近代罕覩其人蓋多讀書
者博不待言惟沈麗難兼沈未必麗麗未必沈麗在肉采
沈在神骨骨重神寒是之謂沈然非博不能麗更不能沈
徒恃博不能沈並不能麗此中有天事焉有人事焉吳梅
村詩麗多於沈陳獨漉詩沈多於麗胡稚威詩沈多於麗
彭甘亭詩文麗多於沈偶舉數家未遑更僕要皆合天分
學力乃克成一代鴻駿之才也南山詩話云甘亭詩多沈
鬱之作偶舉一二首如史閣部祠云鐵礮摧城用國殤衣
冠留墓拜堂堂夷吾自灑新亭淚江總仍飛曲院觴半壁

河山撐赤手九霄箕尾落寒芒
燐光都在梅花嶺被髮依稀
稀下大荒又歲暮襟感云
潁州鋒火接梁州蟻子都屯楚
上游僞識荒唐三屈律將星
搖動五諸侯檻車劇報收盧
植巴國休輕縱李流正好奇
功成雪夜鳴鵝聲裏落旄頭
又云甘亭論詩實獲我心有
絕句云厭談風格分唐宋亦
薄空疎語性靈我似流鶯隨
意嚙花前不管有人聽甘亭
才奇境困牢騷感慨寓於詩
而以蘊藉出之絕句云玉真
夫婿等閒留只爲胡麻飯一
甌知否有人雲外立桃花如
火不回頭布衣更有名篇可
誦者人讀等身書如將兵十
萬兵多行慮譁書多語愁蔓
何以節宣之一心制衆亂不
見陸士衡才富轉爲患亦有
淮陰侯多多乃益辨要以我
用書勿爲書所絆句如老堅
求道志病鍊著書才百戰終

輸姚戈仲一心難得呂婆樓誰於月滿花芳候想到鐘殘漏盡時

歲寒堂詩話論張文昌律詩不如劉夢得杜牧之李義山文
昌七律或嫌平易五律清妙處不亞王孟乃愧夢得牧之
義山哉其夜到漁家宿臨江驛二律與劉文房餘干旅舍
一作用韻同風韻亦同皆絕唱也

文昌洛陽城裏見秋風一絕七絕之絕境盛唐諸鉅手到此
者亦罕不獨樂府古澹足與盛唐爭衡也王新城沈長洲
數唐人七絕擅長者各四章獨遺此作沈於鄭谷之揚子
江頭亦盛稱之而不及此此猶以聲調論詩也